

ত্রিপুরা হাফাঙ
ককথুম তেই হুকুমু দাগিখুঙ

স-৩০২০

আগরতলা, ১২ মার্চ, ২০২৫

অ্যাডমিনিষ্ট্ৰেটিভ অফিসাররকন' তীয়ীয় হাঙখররেমনি ওয়ার্কশপ

হাসতেনি জত' আমচায়নি হামক্ৰায়' টিম ত্ৰিপুরা
থানসা খীলায় সামুঙ তাঙনা নাঙনায় : মন্ত্ৰি অকরা



হাসতেনি হামক্ৰায়' হাফাঙনি তাঙসঙরক আঙখা ফান য়াফাঙ। মন্ত্ৰি বখরক নরেন্দ্ৰ মোদি কিয়কজাক ভারত খীলায় সঙচানানি বাৰ্গীই সামুঙ তাঙগীই তঙগ'। কিয়কজাক ভারত খীলায় তিসানানি বাৰ্গীই মন্ত্ৰি বখরকনি টিম ইন্ডিয়া হায় হাসতেনি হামক্ৰায়' টিম ত্ৰিপুরা সঙচানা নাঙনায়। হাসতেনি জত' আমচায়নি হামক্ৰায়' টিম ত্ৰিপুরা থানসা খীলায় সামুঙ তাঙনা নাঙনায়। থাঙনায় ১১ মার্চত উদয়পুৰনি রাজৰ্ষি হল' সালথাঙ ত্ৰিপুরা, দক্ষিণ ত্ৰিপুরা, সিপাহীজলা তেই গোমতী হাঙখরনি অ্যাডমিনিষ্ট্ৰেটিভ অফিসাররকন' তীয়ীয় হাঙখররেমনি কায়সা ওয়ার্কশপন' চেঙগীই রাই মন্ত্ৰি অকরা প্ৰফেসর (ডা.) মানিক সাহা অ কক সাখা। ব' সাখা, পাওয়ারপয়েন্ট প্ৰেজেন্টেশনি বিসিংতাই হামক্ৰায়নি সামুঙবীতাং নারীকমা বায় আঙগীলাক বনি কাহাম মারিরকন' লুকুরক নাউই মাননাতীয় লুকুরকনি থানি হাফাঙনি সেপসাপরকন' তুননা নাঙনায়। ব' সাখা, জুদা জুদা গ্ৰাম পঞ্চায়েত অ ই-অফিস চেঙজাকখা। বনি সেপরক তাবুক লুকুরক মানীয় তঙগ'। ত্ৰিপুরা তাবুক পায়ফৰ্মিং স্টেটনি ফ্ৰন্ট রানার্স স্টেট অ সীলায়জাকখা। ত্ৰিপুরা অ রাঙ থেপানায়রকন' খাতুঙ রাইনা অ সিঙ্গেল উইন্ডো সিস্টেম চেঙজাকখা। ব' সাখা, টিবি কীৰীই ভারত সঙচানা অ ত্ৰিপুরা কাহাম থায়' তঙগ'। অ সালনি ওয়ার্কশপনি ককন' খুৰসাউই মন্ত্ৰি অকরা অবহায় সামুঙবীতাং বীখাকস্তেনি সিমি ব্লকরেম' তীলাঙ থাঙনানি ককবিতি রাইখা।

কিয়কজাক ভারতনি সামুঙ তেই উনসুকতাঙরকন' ফাইনাল খীলায়নানি বাৰ্গীই থাঙনায় বিসিনি ডিসেম্বৰ তাল' নয়াদিল্লি অ হাসতেরকনি চিফ সেক্ৰেটারিৰকনি কায়সা পানদা সঙচাজাকখা। নয়াদিল্লি অ সঙচাজাক পানদা অ ককচাবজাকমানি ককরকন' রাইগীই হাসতেনি অ্যাডমিনিষ্ট্ৰেটিভ অফিসাররকন' সিরীনানি বাৰ্গীই হাসতেঅব' ওয়ার্কশপ সঙচানানি ককচাবজাকখা। আবন' রাইগীইন' অ সাল' উদয়পুৰনি রাজৰ্ষি হল' ত্ৰিপুরানি ৪টা হাঙখরনি অ্যাডমিনিষ্ট্ৰেটিভ অফিসাররকন' তীয়ীয় কায়সা হাঙখররেমনি ওয়ার্কশপ সঙচাজাকখা।

(২)

অ সালনি অ ওয়ার্কশপঅ মানজাক ফায়খা চিফ সেক্রেটারি জে কে সিনহা, সীনামমুঙ তেই বানিয়া নায়খুঙনি সেক্রেটারি কিরণ গিতো, আউলি হামক্রায় তেই কামি হামক্রায় নায়খুঙনি সেক্রেটারি অভিষেক সিং, সয়সিমুঙ তাঙসেপ তেই তঙখর নায়খুঙনি সেক্রেটারি ড. কে শশীকুমার, গোমতী হাঙখরনি ডিএম তড়িৎ কান্তি চাকমা, সালথাঙ ত্রিপুরা হাঙখরনি ডিএম ডা. বিশাল কুমার, সিপাহীজলা হাঙখরনি ডিএম ডা. সিদ্ধার্থ শিব জয়সওয়াল, দক্ষিণ ত্রিপুরা হাঙখরনি ডিএম স্মিতা মলন' খবাই জত' হাঙখরনি বিসিং খবজাক জুদা জুদা বীখাকস্তেনি এসডিএমরক, ৪টা হাঙখরনি জত' ব্লকনি বিডিওরকন' খবাই ডিস্ট্রিক্ট অ্যাডমিনিস্ট্রেশন তেই সাব ডিভিশনাল অ্যাডমিনিস্ট্রেশন বায় কুবুলজাক জুদা জুদা নায়খুঙনি কুবুলজাক কুচুকরেমনি তাঙফাঙরক।

অ সালনি অ ওয়ার্কশপনি বিসিংতাই চিফ সেক্রেটারিরকনি পানদাঅ জে ককবথমান' তায়ী ককলাম সালায়জাকখা তেই বনি উল' বাহায় সামুঙনি মারি সীনামজাকনায় আবন' রাগীইব' জতন' সিরীজাকখা। কিয়কজাক ভারত সঙচানানি বাগীই তাম' তাম' সামুঙবীতাং রমনা নাঙ আবন' রাগীইব' ওয়ার্কশপঅ সুকুরুবুয় ককলাম সালায়জাকখা। অ সালনি ওয়ার্কশপঅ হামবায় য়াফারীই ককমুঙ নারীকখা গোমতী হাঙখরনি ডিএম তড়িৎ কান্তি চাকমা।
